

12-В/1231 -сонли ШАРТНОМА
Бланкаларни тайёрлаш учун

Тошкент ш.

2022 йил 13.09.

Ўзбекистон Республикаси Марказий банкнинг "DAVLAT BELGISI" Давлат унитар корхонаси бундан бўён "Бажарувчи" деб аталган ҳолда, Уставига асосланиб фаолият юритувчи Бош директори Б.Д.Джумаев, бир томон бўлиб ва Ўзбекистон Республикаси Тошкент шаҳар ҳокими маҳкамасининг ишлар бошқармаси номидан *С.М. Тақиров*

(лавозими ф.и.ш)

келгусида "Буюртмачи" деб аталган ҳолда, корхона Низомига мувофиқ иш юритувчи иккинчи томон бўлиб, (кейинги ўринларда "Тарафлар" деб аталади) ушбу шартномани 2021 йил 17 декабрдаги 11-5-242-рақамли буюртма хати асосида қуйидагилар ҳақида туздилар:

I. Шартнома предмети

1.1. "Бажарувчи" "Буюртмачи"нинг буюртмасига мувофиқ қуйидаги маҳсулотларни ўз вақтида ва сифатли ҳолда тайёрлаб беради, "Буюртмачи" эса маҳсулотларни қабул қилиб, мазкур шартноманинг шартларига мувофиқ ҳақини тўлайди:

№	Маҳсулот номи	Ўлчов бирлиги	Маҳсулот адади	1 бирлик маҳсулот учун ҚҚС сиз (сўм, тийин)	1 бирлик маҳсулот учун ҚҚС билан (сўм, тийин)	Жами ҚҚС сиз (сўм, тийин)	Жами ҚҚС билан (сўм, тийин)
1.	Хизмат гувоҳномасига ички варақ бланкалари (ҳодимнинг исми шарифи кўрсатилмаган ҳолда) А-4 ўлчамли варақда 4 дона гувоҳнома жойлашади	дона	300	20 338-00	23 388-70	6 101 400-00	7 016 610-00
	Жами:						7 016 610-00

II. Шартноманинг умумий суммаси ва тўлов тартиби

2.1. Шартноманинг умумий суммаси ҚҚС билан: 7 016 610-00 (етти миллион ўн олти минг олти юз ўн) сўм 00 тийинни ташкил қилади. Хизмат гувоҳномасига ички варақ бланкаларининг баҳоси Ўзбекистон Республикаси Молия вазирлигининг 2021 йил 2 февралдаги 06/15-03-Уз-2021/1 сонли нарх декларациясига мувофиқ белгиланган. Янги нарх декларацияси тасдиқланиб кучга кирган ҳолатда, ушбу шартноманинг қиймати "Буюртмачи"га жўнатилмаган маҳсулот миқдорига қайта ҳисоб-китоб амалга оширилади.

2.2. "Буюртмачи" Ўзбекистон Республикаси Президентининг 2007 йил 28 февралдаги ПҚ-594-сонли ҳамда 2007 йил 12 декабрдаги ПҚ-744-сонли ва Ўзбекистон Республикаси Вазирлар Маҳкамасининг 2021 йил 16 мартдаги 139-сонли Қарорлари талабларига асосан тайёрланадиган маҳсулот қийматининг—30 фоизини шартнома икки томонлама имзолангандан сўнг ва Ўзбекистон Республикаси Молия вазирлиги ғазначилигидан рўйхатидан ўтганидан сўнг "Бажарувчи" томонидан тақдим этилган ҳисобга асосан 15 кун мобайнида олдиндан ҳақ тўлайди.

2.3. Маҳсулот тайёрлаб берилгандан сўнг "Буюртмачи" "Бажарувчи"га мазкур шартнома суммасининг қолган 70 фоизини "Бажарувчи" томонидан берилган ҳисоб-фактурага асосан 10 кун ичида тўлайди.

2.4. Тайёрланиладиган маҳсулотнинг нархи, қатъий белгиланган ҳисобланмайди ва уни тайёрлаш пайтидаги нархни белгилловчи кўрсаткичларга қараб, Ўзбекистон Республикаси Президентининг Фармонида асосан энг кам ойлик иш ҳақи ўзгарганда, ҳамда асосий материалларнинг нархи ўзгарганда, "Бажарувчи" маҳсулот бирлигининг нарҳини ўзгартириш ҳуқуқига эгадир. Маҳсулот нархи ўзгарган тақдирда "Бажарувчи" асосий шартномага янги нарх киритилган қўшимча келишув ва нарх келишув баённомаси тақдим этади.

III. Маҳсулотларни тайёрлаб бериш муддати, тартиби ва қабул қилиш шартлари

3.1. Мазкур шартноманинг 2.2-бандига кўра олдиндан тўланадиган сумманинг 30-фоизи тўлангандан сўнг "Бажарувчи" ушбу шартномада белгиланган маҳсулотларни 3.2. Бандида кўрсатилган амалиёт тўлиқ бажарилганидан сўнг 35-кун мобайнида тайёрлаб бериш мажбуриятини олади.

3.2. Тўлов амалга оширилишидан олдин маҳсулотнинг асл нусхаси "Буюртмачи" томонидан "Бажарувчи"га тақдим этилади ва шу асл нусхага мувофиқ "Бажарувчи" "намуна" тайёрлаб "Буюртмачи"га беради "Буюртмачи" эса ушбу "намуна"ни тасдиқлаб "Бажарувчи"га қайтаради.

3.3. "Бажарувчи" буюртма тайёр бўлганлиги ҳақида "Буюртмачи"га телефон орқали ёки хат ёзиб маълум қилади. "Буюртмачи" маҳсулот тайёр бўлганлиги ҳақидаги маълумотни олгандан кейин 10 кун ичида маҳсулотни олиб чиқиб кетиши шарт.

3.4. Тайёр маҳсулотлар олиб чиқиб кетиш "Буюртмачи"нинг ваколатли шахслари орқали, унга берилган ишончнома ва паспорт тақдим этилган тақдирда амалга оширилади.

3.5. Эҳтиёж туғилганида қафолат хатлари орқали маҳсулотлар берилиши мумкин. Бунда қарз бўлган сумма бўйича таққослаш далолатномаси тузилиши лозим.

3.6. "Буюртмачи"нинг вакили маҳсулотларни мазкур шартномада назарда тутилган муддатда ва тартибда "Бажарувчи"нинг вакили иштирокда кўриб, қабул қилиб олиши шарт.

3.7. Маҳсулотларни қабул қилиб олиш жараёнида камчиликлар аниқланса, "Буюртмачи"нинг вакили бу тўғрисида "Бажарувчи"нинг вакилига дарҳол маълум қилиши шарт. Маҳсулотларни қабул қилиш жараёнида аниқлаш имконияти бўлмаган (яширин) камчиликлар аниқланганда, тарафлар мазкур шартноманинг 5.1-банди ва қонунчиликда белгиланган қондаларни қўллайдилар.

3.8. "Буюртмачи"нинг тайёр маҳсулотнинг сонига бўлган эътирозлари "Бажарувчи" томонидан маҳсулот топширилганидан сўнг инobatга олинмайди.

IV. Маҳсулот сифати

4.1. Маҳсулотнинг сифати тасдиқланган асл нусхага ва таснифда кўрсатилган техникавий шартларга мувофиқ келиши керак.

V. Эътирозлар

5.1. Маҳсулотнинг белгиланган талабларга жавоб бера олмаслиги нуқсон далолатномаси билан тасдиқланган бўлиши шарт. Нуқсон далолатномасида аниқланган камчиликлар аниқ баён этилиши керак. Мутахассисларнинг ҳулосаси илова қилиниши мумкин.

5.2. Нуқсон далолатномасини имзолашга "Бажарувчи"нинг вакили тақлиф этилади. Агар тақлиф этилган вакил тақлифномани олган кундан бошлаб 3 (уч) кун мобайнида етиб келмаса унда нуқсон далолатномаси "Буюртмачи"нинг вакили томонидан имзоланади.

5.3. Нуқсон далолатномаси икки нусхада тайёрланади ва унинг бир нусхаси "Бажарувчи"га юборилади.

5.4. "Бажарувчи" 3 (уч) кун муддат ичида нуқсон далолатномасида баён этилган маҳсулот сифатининг номувофиқлиги моҳияти юзасидан ёзма равишда жавоб бериши керак.